



O‘ZBEKISTON RESPUBLIKASI
MAKTABGACHA VA MAKTAB TA’LIMI VAZIRINING
BUYRUG‘I

Umumiy o‘rta ta’lim muassasalarida o‘quvchilarni kasbga yo‘naltirish
ishlarini tizimli tashkil etish to‘g‘risida

O‘zbekiston Respublikasi Prezidentining “O‘zbekistonning yangi taraqqiyot davrida ta’lim-tarbiya va ilm-fan sohalarini rivojlantirish chora-tadbirlari to‘g‘risida” 2020-yil 6-noyabrdagi PF-6108-son Farmonining 15-bandi, 2022-yil 11-maydagi PF-134-son Farmoni bilan tasdiqlangan 2022 – 2026-yillarda maktab ta’limini rivojlantirish bo‘yicha milliy dasturining 23-bandi, Vazirlar Mahkamasining “Umumiy o‘rta ta’lim muassasalarining 10-11-sinflari o‘quvchilarini kasb-hunarga tayyorlash chora-tadbirlari to‘g‘risida” 2021-yil 30-dekabrda 792-son qarori ijrosini ta’minlash, shuningdek, o‘quvchilarning qiziqish va qobiliyatlaridan kelib chiqib kelajakda ularning ta’limni davom ettirishlari yoki egallagan kasblari bo‘yicha mehnat faoliyati bilan shug‘ullanishlariga shart-sharoitlar yaratish maqsadida **buyuraman:**

1. Umumiy o‘rta ta’lim muassasalarida o‘quvchilar o‘z iqtidori va qiziqishlariga mos kasbni tanlab olishi, mehnat bozorida munosib o‘rni topishi, kasbiy faoliyatida muvaffaqiyatga erishishi uchun “Kasbga yo‘naltirish tizimi” joriy etilsin.

2. Umumiy o‘rta ta’lim muassasalarida o‘quvchilarni “Kasbga yo‘naltirish tizimi”ning ustuvor vazifalari etib quyidagilar belgilansin:

boshlang‘ich sinf o‘quvchilariga o‘quv rejaga kiritilgan fanlar doirasida mehnat bozorida mavjud bo‘lgan turli kasblar to‘g‘risida tushunchalar berib borish;

o‘quvchilarning kasbiy moyilligi bo‘yicha o‘tkazilgan psixologik-pedagogik diagnostika natijalari asosida kasbga yo‘naltirish ishlarini olib borish;

o‘quvchilarni zamonaviy kasblar va IT sohasiga yo‘naltirish, ularning bilimni oshirish ishlarini samarali tashkil etish;

o‘quvchilarni professional ta’lim muassasalariga jalb etish bo‘yicha targ‘ibot-tashviqot ishlarini olib borish;

o‘quvchilarni ikkita xorijiy til va bitta kasb-hunarga o‘rgatish amaliyotini bosqichma-bosqich yo‘lga qo‘yish.

3. Quyidagilar:

umumiy o‘rta ta’lim muassasalarida o‘quvchilarni kasbga yo‘naltirish ishlarini tizimli tashkil etish bo‘yicha kalendar reja 1-ilovaga muvofiq;

umumiy oʻrta taʼlim muassasalarida oʻquvchilarni kasbga yoʻnaltirish ishlarini muvofiqlashtirish va tizimli tashkil etish boʻyicha ishchi guruh (keyingi oʻrinlarda – ishchi guruh) tarkibi 2-ilovaga muvofiq tasdiqlansin.

4. Ishchi guruh (D.Ermatov)ga:

umumiy oʻrta taʼlim muassasalarida oʻquvchilarni kasbga yoʻnaltirish ishlarini muvofiqlashtirish;

oʻquv yili davomida oʻquvchilarni kasbga yoʻnaltirish boʻyicha ustuvor vazifalarning amalga oshirilishida hududlarga koʻmaklashish;

har chorakda hududlarda oʻquvchilarni kasbga yoʻnaltirish boʻyicha seminarlar tashkil etish;

oʻquv yili davomida oʻquvchilarni kasbga yoʻnaltirish boʻyicha olib borilayotgan ishlarni manzilli oʻrganib borish, tahlil qilish va aniqlangan kamchiliklarni bartaraf etish choralari koʻrish vazifalari topshirilsin.

5. Umumiy oʻrta taʼlim muassasalarida oʻquvchilarni “Kasbga yoʻnaltirish tizimi”ning ustuvor vazifalarini amalga oshirilishini taʼminlashga Qoraqalpogʻiston Respublikasi maktabgacha va maktab taʼlimi vaziri, Toshkent shahar va viloyatlar maktabgacha va maktab taʼlimi boshqarmalari boshliqlari masʼul etib belgilansin.

6. Qoraqalpogʻiston Respublikasi Maktabgacha va maktab taʼlimi vaziri, Toshkent shahar va viloyatlar maktabgacha va maktab taʼlimi boshqarmalari boshliqlariga:

umumiy oʻrta taʼlim muassasalarida oʻquvchilarni kasbga yoʻnaltirish boʻyicha ustuvor vazifalar amalga oshirilishini taʼminlash va bu borada ishchi guruh bilan hamkorlik qilish;

hududdagi barcha umumiy oʻrta taʼlim muassasalarida oʻquvchilarni kasbga yoʻnaltirish ishlarini namunaviy kalendar reja asosida tashkil etilishini taʼminlash va nazorat qilish;

oʻquv yilining har choragida umumiy oʻrta taʼlim muassasalarida oʻquvchilarni kasbga yoʻnaltirish boʻyicha olib borilayotgan ishlar va bu borada yuzaga keladigan muammolarni bartaraf etish masalalarini kengaytirilgan yigʻilishlarda muhokama qilib borish;

har chorak yakunida hududda oʻquvchilarni kasb-hunarga yoʻnaltirish boʻyicha amalga oshirilgan ishlar haqida umumlashtirilgan maʼlumotlarni vazirlikning Oʻquvchilarni kasb-hunarga yoʻnaltirish boshqarmasiga taqdim etib borish vazifalari topshirilsin.

7. Oʻquvchilarni kasb-hunarga yoʻnaltirish va psixologik-pedagogik respublika tashxis markazi (L.Gaynutdinova)ga:

joriy yil 25-avgustga qadar umumiy oʻrta taʼlim muassasalarida oʻquvchilarni kasbga yoʻnaltirish ishlarini tizimli tashkil etish boʻyicha kalendar rejani amalga oshirish boʻyicha tavsiyalar ishlab chiqish;

oʻquvchilarning kasbiy moyilligini aniqlash boʻyicha psixologik-pedagogik diagnostika ishlarini olib borish;

o‘quv yili davomida o‘quvchilarni kasb-hunarga yo‘naltirish bo‘yicha maktab psixologlari uchun o‘quv-amaliy seminarlar va trening mashg‘ulotlarini tashkil etish;

har chorak yakunida o‘quvchilarni kasb-hunarga yo‘naltirish bo‘yicha amalga oshirilgan ishlar haqida ma‘lumotlarni vazirlikning O‘quvchilarni kasb-hunarga yo‘naltirish boshqarmasiga taqdim etib borish vazifalari topshirilsin.

8. Mazkur buyruqning ijrosini nazorat qilish vazir o‘rinbosari U.Begimkulov zimmasiga yuklatilsin.

Vazir



X.Umarova

Toshkent sh.,
2023-yil “14”-avgust,
238-son

**Umumiy o'rta ta'lim muassasalarida o'quvchilarni kasbga yo'naltirish ishlarini
tizimli tashkil etish bo'yicha kalendar reja**

T/r	Amalga oshiriladigan ishlar	Bajarish muddati	Mas'ullar
1.	Boshlang'ich sinf o'quvchilariga o'quv rejaga kiritilgan fanlar doirasida mehnat bozorida mavjud bo'lgan turli kasblar to'g'risida tushunchalar berib borish.	O'quv yili davomida, dars mashg'ulotlari jarayonida	Fan o'qituvchilari
2.	7-sinf o'quvchilari uchun "Kasblar olamiga sayohat" mavzusida treninglar (maxsus kurslar) tashkil etish.	har oyda bir marta	Maktab psixologlari, sinf rahbari
3.	8-sinf o'quvchilari uchun "Mening kelajakdagi kasbim" mavzusida seminar-trening tashkil etish.	Oktabr, dekabr, fevral, aprel oylarida	Maktab psixologlari, sinf rahbari
4.	10-11-sinf o'quvchilari o'rtasida o'z faoliyati davomida yuqori natijalarga erishgan kasb egalari bilan uchrashuvlarni tashkil etishni nazarda tutgan holda "Kasb va yoshlar" ochiq muloqot oyligini o'tkazish	Aprel-may	DMMIBO', Maktab psixologlari, sinf rahbari
5.	Kasb egalarining mehnat faoliyati bilan yaqindan tanishish maqsadida 5 - 11-sinf o'quvchilari uchun turli uchrashuv, ishlab chiqarish korxonalarini, hunarmandchilik markazlari va boshqa tashkilotlarga ekskursiyalar tashkil qilish.	O'quv yili davomida	DMMIBO', Maktab psixologlari, sinf rahbari
6.	7-11-sinf o'quvchilari o'rtasida kasbiy moyilligini aniqlash bo'yicha psixologik-pedagogik diagnostikalarni o'tkazish va kasb-hunarga bo'lgan qiziqishini aniqlash.	Oktabr, aprel	Maktab psixologlari, sinf rahbari
7.	9- va 11-sinf o'quvchilarini ta'limning keyingi bosqichida o'qishni davom ettirishini aniqlash bo'yicha so'rovnoma o'tkazish.	Mart	Maktab psixologlari, sinf rahbari
8.	9-sinf o'quvchilarining kasbiy moyilligi bo'yicha o'tkazilgan psixologik-pedagogik diagnostika natijalari asosida kelgusida aniq ishchi kasblar bo'yicha kasb-hunar maktablarida ta'lim olishi mumkin bo'lgan o'quvchilar o'rtasida kasbga yo'naltirish ishlarini olib borish.	Noyabr, may	MMIBDO', Maktab psixologlari, sinf rahbari

**Umumiy o'rta ta'lim muassasalarida o'quvchilarni kasbga yo'naltirish
ishlarini muvofiqlashtirish va tizimli tashkil etish bo'yicha
ishchi guruh tarkibi**

T/r	F.I.Sh		Lavozimi
1.	Begimkulov Uzoqboy Shoimqulovich	-	Vazir o'rinbosari, ishchi guruh rahbari
2.	Ermatov Doniyor Saitqulovich	-	O'quvchilarni kasbga yo'naltirish boshqarmasi boshlig'i, ishchi guruh rahbari o'rinbosari
3.	Gaynutdinova Liliya Rifxatovna	-	O'quvchilarni kasb-hunarga yo'naltirish va psixologik-pedagogik respublika tashxis markazi direktori, ishchi guruh rahbari o'rinbosari
4.	Mamadaliyev Abdukamol Abduraximovich	-	O'quvchilarni kasbga yo'naltirish boshqarmasi boshlig'i o'rinbosari, a'zo
5.	Kamalov Azamat Jamolovich	-	Ta'lim tashkilotlarida tarbiyaviy ishlarni muvofiqlashtirish boshqarmasi boshlig'i o'rinbosari, a'zo
6.	Murodov Dilshod Maxramovich	-	O'quvchilarni kasbga yo'naltirish boshqarmasi bosh mutaxassisi, a'zo
7.	Foziljonov Hayot Muxammadjon o'g'li	-	O'quvchilarni kasb-hunarga yo'naltirish va psixologik-pedagogik respublika tashxis markazi bo'lim boshlig'i, a'zo
8.	Lavozimiga ko'ra	-	Qoraqalpog'iston Respublikasi maktabgacha va maktab ta'limi vaziri, Toshkent shahar va viloyatlar maktabgacha va maktab ta'limi boshqarmalari boshliqlari, a'zo